



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /18.godine

Datum: _____ 2018.godine

NACRT

Na osnovu člana 14. Statuta Općine Tešanj («Službeni glasnik Općine Tešanj», broj: 11/07) i člana 116a. Poslovnika o radu Općinskog vijeća Tešanj («Službeni glasnik Općine Tešanj», broj: 7/08, 1/12, 7 /12, 10/14 i 1/18), i zaključka Kolegija Vijeća od 15.05.2017.godine, Općinsko vijeće Tešanj na svojoj ____ sjednici održanoj dana ____ 2018. godine, donosi

O D L U K U
o uspostavljanju “Građanskog sata sa vijećnicima”

I

Ovom odlukom uspostavlja se mehanizam komunikacije vijećnika sa građanima “Građanski sat sa vijećnicima”, i definiše pojam, uspostavljanje i način organizovanja “Građanskog sata sa vijećnicima”.

II

“Građanski sat sa vijećnicima” predstavlja mehanizam kojim građani neposrednom komunikacijom informišu vijećnike o problematici lokalne zajednice, postavljaju pitanja, inicijative, a vijećnici sa druge strane informišu građane o aktivnostima i planovima Općinskog vijeća, prijedloge građana uzimaju u razmatranje i upućuju u proceduru rješavanje.

III

“Građanski sat sa vijećnicima” održava se svakog radnog petka, ukoliko ima prijavljenih građana s početkom od 14,00 do 16,00 sati, u kancelariji broj 23 u zgradi Općine Tešanj. Građanski sat se neće održati u slučaju da je u navedenom terminu zakazano održavanje sjednice Općinskog vijeća.

IV

Kolegij Vijeća posebnim programom određuje vijećnike za termine “Građanskog sata sa vijećnicima”. Građani svoja pitanja, inicijativu ili primjedbu od lokalnog značaja ili u vezi rada Općinskog vijeća dostavljaju Sekretaru Vijeća u pismenoj formi, putem e-maila sajda.kleplic@opcina-tesanj.ba, ili na broj telefona: 032-650-022 lokal 109. Građani mogu u svom zahtjevu naznačiti, uz temu, i imena vijećnika sa kojim žele razgovarati.

V

Sekretar Vijeća obavještava predsjedavajućeg Vijeća i vijećnike o zakazanim temama i terminima dan prije održavanja sastanka. Dežurni vijećnik na građanskom satu vodi zapisnik u kojem se obavezno navodi zaključak sa smjernicama za rješavanje građanskog pitanja. Vijećnici koji su održali sastanke sa građanima i Predsjedavajući Vijeća analiziraju razmatrane materijale na održanim satima zajedno mišljenjem Općinskog načelnika koje pribavlja sekretar Vijeća. Opravdane i osnovane prijedloge za Vijeće Predsjedavajući podnosi Kolegiju na narednom zasijedanju radi rješavanja ili uvrštavanja u dnevni red Općinskog vijeća, o čemu sekretar Vijeća obavještava građane.

VI

Ova Odluka stupa na danom objave u „Službenom glasniku Općine Tešanj“.

PREDSJEDAVAJUĆI VIJEĆA
Senad N. Subašić, dipl.oec.

Obrazloženje

PRAVNI OSNOV:


Pravni osnov za donošenje ove odluke sadržan je u članu 14. Statuta Općine Tešanj ("Službeni glasnik Općine Tešanj" broj 11/07 i član 116a. Poslovnika o radu Općinskog vijeća Tešanj ("Službeni glasnik Općine Tešanj" broj 7/08, 1/12, 7/12, 10/14 i 1/18).

RAZLOG DONOŠENJA:

Donošenje ove odluke potrebno je iz razloga jer je usvojena Odluka o izmjenama i dopunama Poslovnika o radu Općinskog vijeća ("Službeni glasnik Općine Tešanj" broj 1/18), a izmjene i dopune se odnose i na donošenje odluke o Građanskom satu.

Ova odluka i druge aktivnosti na promociji Građanskog sata sa vijećnicima imaju cilj povećati učešće građana u radu Općinskog vijeća, uspješnije rješavanje problema građana, kao i veću informiranost.

Shodno navedenom, Općinskom vijeću Tešanj dostavljam Nacrt na razmatranje i predlažem da se isti usvoji i uputi na javnu raspravu.



PREDSJEDAVAJUĆI VIJEĆA
Senad N. Subašić, dipl.oec.

Broj: 01-02-1-481/18

Datum: 19.02.2018.godine